

духовнымъ. Мы бо імамы ꙗко преданья святыхъ апостолъ во¹ господскихъ праздницѣхъ и святя Богородици і всѣхъ святыхъ праздникоу, в память святыхъ апостолъ праздновати духовно і от избытка вашего питати убогия. Понеже еси мене въспрашалъ недостойнаго, — аще связанъ еси отцемъ духовнымъ в среду і в пятокъ мясь не ясти, от того же разрѣшенъе приими; іли самъ ся зарекль, Богъ мѣ [л. 23 об.] не ради проститъ тя, егда же ся приключитъ господскіи праздниикъ в среду іли в пятокъ любо святя Богородици іли 12 апостолъ, то язь мяса. Богъ мира буди с вами. Аминь.

духовнаго. Обаче прѣдание імамы от святыхъ апостолъ и от святыхъ богоносныхъ отецъ въ господскихъ праздницѣхъ и святой Богородици въ всѣ праздниикъ и въ память святыхъ апостолъ 12 празновати духовно, а от избытка вашего питати убогия. И понеже еси мене въспрашалъ недостойнаго, аще связанъ еси отцемъ духовнымъ въ среду и в пятокъ мясь не ясти, от того же и разрѣшеніе приими. Или самъ ся еси зарекль, Богъ мене ради проститъ тя. Егда ся приключитъ въ среду или въ пятокъ господскій праздниикъ, любо святѣй Богородици ли 12 апостолъ,¹ то ѣзь мясо и Богъ мира буди с вами. Аминь.

II

Слово ꙗко святаго Федосья игумена Печерьскаго монастыря о вѣре крестьянской і ꙗко латыньскоі. Господи, благослови

Слово ми есть к тобѣ, княже боголюбивый. Азь, Федось худый, рабъ пресвятя Троица, Отца і Сына і Святаго Духа, въ чиствѣ і в правѣрнѣ вѣре роженъ і воспитанъ в добръ і наказанья правовѣрнымъ отцемъ и [л. 24] матерью, наказываюче мя добру закону: — вере же латыньскѣй не прелучаите ни обычая ихъ держати, і комканья ихъ бѣгати, і всякаго ученья ихъ бѣгати, і норова ихъ гнушати, и блюсти своіхъ дочереі: не давати за них, ни у нихъ поимати, — ни брататися, ни поклонити, ни целовати его, ни с нимъ ізъ единаго судна ясти, ни пити, ни брашна ихъ приимати, тѣм же паки у насъ просящимъ Бога ради ясти и пити дати имъ, но въ ихъ судѣхъ, — аще ли не буде у нихъ судна, въ своемъ дати; потомъ измывши дати [л. 24 об.] молитву, — занеже неправо вѣруют і нечисто живутъ: — ядятъ со псы и с кошками, і пьютъ бо свой сець, ядятъ желвы, і дикіе кони, і ослы, і удавльчину, і мерт-

Того же Федосіа к тому же Ізяславу

Азь, Федось, худыи мнихъ, рабъ есмь пресвятой Троицѣ, Отца и Сына и Святаго Духа, въ чистѣй и въ правовѣрнѣй вѣрѣ роженъ есмь и въспитанъ добръ въ законѣ правовѣрнымъ отцемъ и матерью христьяною наказывающа [л. 101] мя добру закону и норовомъ правовѣрныхъ послѣдовати: — вѣрѣ же латыньскоі не прилучатися, ни обычая ихъ дѣржати, и камьканиа ихъ бѣгати, и всякаго ученья ихъ не слушати, и всего ихъ обычая и норова гнушати и блюстися, своихъ же дѣчерѣй не давати за нѣ, ни приимати у нихъ, не брататися с ними, ни поклонитися, ни цѣловати его, ни с нимъ въ единомъ съсудѣ ясти, ни пити, ни борошна ихъ приимати; тѣм же паки у насъ просящомъ Бога дѣля ясти и пити, дати имъ ясти и пити, нѣ въ своихъ съсудѣхъ, — аще ли не буде съсуда у нихъ, да въ своемъ дати и потомъ измывши же сътворити молитва, — заче же неправо вѣруют і нечисто живутъ: — ядятъ съ псы и съ кошками, пьютъ бо свой съць и ядятъ жѣлвы, и дикѣи

¹ От слова „любо“ зачеркнуто в ркп.; внизу листа приписано: рождество Христово и крещеніе Господне.

¹ в ркп.: воо.